


Fokus nyawa, kehidupan rakyat

Genap setahun pentadbiran Kerajaan Perikatan Nasional (PN) hari ini, **Tan Sri Muhyiddin Yassin** mengimbau kembali tekad utamanya selepas dilantik menjadi Perdana Menteri kelapan, iaitu memikirkan apa yang harus dilakukan bagi melindungi rakyat daripada ancaman wabak COVID-19 yang menular ketika itu. Beliau yang juga Pengurus PN mengakui soal nyawa dan kehidupan adalah isu pokok yang diberi tumpuan oleh kerajaan dan ia berterusan sehingga sekarang.

Ikuti laporan 2, 3
Temu bual penuh di *Muka 10/11, 12, 13*



Utama nyawa rakyat, tekad putus rantai COVID-19

Muhyiddin jamin mandat dikembalikan sebaik penularan wabak ditangani

Oleh Ahmad Naim Tahir
bhnews@bh.com.my

Kuala Lumpur: Genap setahun pentadbiran kerajaan Perikatan Nasional (PN) hari ini, Tan Sri Muhyiddin Yassin mengimbau kembali tekad utamanya selepas dilantik menjadi Perdana Menteri kelapan, iaitu memikirkan apa yang harus dilakukan bagi melindungi rakyat daripada ancaman wabak COVID-19 yang mewular ketika itu.

Sambil meluahkan rasa syukur kepada Allah SWT, Ahli Parlimen Pagoh ini mengakui pelantikannya bagi mengisi kerusi pemimpin tertinggi kerajaan adalah sesuatu yang tidak pernah diitung.

"Saya ingin memanjatkan rasa syukur kepada Allah kerana genap setahun pentadbiran PN yang saya pimpin sebagai Perdana Menteri, sesuatu perkara yang memang saya tidak duga, tetapi ini semua takdir daripada Allah. Waktu saya mula-mula memegang jawatan Perdana Menteri, kita tahu waktu itu kita berdepan dengan situasi yang agak luar biasa."

"Pandemik COVID-19 melanda seluruh dunia dan Malaysia tidak terkecuali. Justeru, saya duduk di kerusi Perdana Menteri, tugas saya yang pertama tidak lain tidak bukan untuk memikirkan apa harus saya lakukan sebagai ketua kerajaan supaya nyawa rakyat Malaysia dapat terpelihara dalam keadaan aman dan COVID-19 yang amat berbahaya."

"Jadi, tiap kali waktu dan masa yang saya ada, bersama dengan rakan-rakan dalam kerajaan, kami memikirkan soal pokok iaitu isu nyawa dan kehidupan," katanya.

Muhyiddin yang juga Penggerusi PN merangkap Presiden Parti Pribumi Bersatu Malaysia (BERSATU) mengangkat sumpah sebagai Perdana Menteri kelapan pada 1 Mac 2020, kira-kira sebulan selepas tiga kes pertama COVID-19 dilaporkan di Malaysia, masing-masing dua di Sabah dan satu kes di Selangor.

Virus kemudian terus menular ke seluruh negara sehingga Pertubuhan Kesihatan Sedunia (WHO) mengisyihar darurat kesihatan

pada 31 Januari.

Menggalas tanggungjawab amat berat yang dipikulnya dalam mengurus krisis COVID-19, Perdana Menteri mengakui soal nyawa dan kehidupan adalah isu pokok yang diberi tumpuan oleh beliau dan anggota Jemaah Menteri yang berterusan sehingga sekarang.

"Kita ambil tindakan cepat yang luar biasa, seperti mengenakan Perintah Kawalan Pergerakan (PKP). Kalau kita tidak dapat nak uruskan masalah COVID-19, kesepakatan negara cukup besar, terutama soal ekonomi."

"Ramai orang terjeraya, tiada pengueluan sekali pun, kita di sini dan di luar sana, rakyat biasa, orang berada atau peniaga, pemilik warung, tidak terkecuali. Jadi, paling utama ialah bagaimana nak uruskan masalah COVID-19," katanya lagi.

Tidak menunggu lama, pelan dirangka, bantuan dalam pelbagai bentuk, sama ada kewangan atau moratorium bagi meringankan beban rakyat yang terjeraya akibat COVID-19 dilulus dan disalurkan, tindakan bagi melindungi kesihatan dan menangani pandemik dilaksanakan.

Pekerja semua sektor, peniaga warung atau restoran, pesawat dan peladang, usahawan dan pekilang, semua menerima bantuan kerajaan. Paket rangsangan bernilai lebih RM300 bilion diluluskan, sektor pendidikan, sosial, keselamatan, semuanya dapat bantuan.

Bagi memutuskan rantai pandemik dan memberi perlindungan kesihatan, perolehan vaksin dibuat dengan belanja berbilion ringgit, malah tegas Perdana Menteri, kerajaan bersedia menambah kerajaan turut menambah, mengurangkan pertumbuhan positif Keluarga Dalam Negara Kasar (KDKN) pada tahun ini.

"Jangan tanya belanja untuk vaksin, berbilion ringgit dan saya tidak pernah persoalakan. Kalau minta RM1 bilion, saya bagi kerana ini nyawa rakyat," kata Muhyiddin.

Segala keputusan yang dibuat dan pelan yang dilaksanakan dilihat berkesan dalam menangani, mengurus dan mewujudkan imbang di antara keperluan menjaga kesihatan dan melindungi ekonomi, selain meringankan beban



Muhyiddin ketika ditemu bual pengarang media sempena setahun pentadbiran kerajaan PN, baru-baru ini.
(Foto BERNAMA)

kewangan rakyat yang terjeraya.

Usaha kerajaan dengan sokongan pentadbiran dan kerjasama rakyat, membolehkan pengurusan COVID-19 sepanjang tempoh setahun lalu mencapai kejayaan agak membanggakan dengan kesannya kepada ekonomi tidak seburuk seperti dijangkakan.

"Saya rasa kalau buat seorang, tidak boleh berjaya. Pegawai kerajaan sahaja buat, tidak boleh berjaya, tetapi dengan gandingan kerajaan, rakyat, pegawai dan semua pihak, kita boleh berjaya kerana ini dipanggil pendekatan keseluruhan masyarakat, bukan keseluruhan kerajaan sahaja," kata Muhyiddin.

Disokong dengan pelbagai bantuan disalurkan kerajaan, sektor perbankan dan dana persaraan, Kumpulan Wang Simpanan Kerja (KWSP), rakyat dan sektor perniagaan yang terhimpit akibat penularan pandemik, boleh menghela nafas lega.

"Macam-macam cara bantuan, secara langsung, bantuan terkini, dalam PERMAI (Pakej Bantuan Perlindungan Ekonomi dan Rakyat Malaysia), bakul (Bakul Makanan), istihlal yang membawa maksud memberi bantuan makanan, bantuan wang tunai, modal bermula.

"Sekarang kita sudah buka hampir semua ekonomi kita, kecuali satu dua sahaja seperti panggung wayang, spa kerana kita takut kesan (COVID-19), tetapi hampir 95 peratus, sudah kita buka," kata Perdana Menteri lagi sambil menambah, kerajaan turut menurunkan pertumbuhan positif Keluarga Dalam Negara Kasar (KDKN) pada tahun ini.

Kejayaan menguruskan segala krisis dengan berkesan bagaimanapun seperti tidak dipelajari oleh lawan dalam politik, namun segala kritikan, tuduhan dan toh-mahan yang dilemparkan juga berjaya diuruskan Muhyiddin dengan tenang.

Dari hari pertama dilantik merentasi kepemimpinan negara dan dalam kesibukan menguruskan krisis COVID-19 serta ekonomi, beliau tidak pernah dilihat 'melatih' dengan gangguan atau serangan yang dilancarkan parti lawan atau oleh seteru dalam PN sendiri.

Jangan tanya belanja untuk vaksin, berbilion ringgit dan saya tidak pernah persoalakan. Kalau minta RM1 bilion, saya bagi kerana ini nyawa rakyat.

**Muhyiddin Yassin,
Perdana Menteri**

Jawatankuasa itu berperanan menasihati Yang di-Pertuan Agong mengenai kewujudan berterusan darurat besar di Malaysia dan penamatannya.

Bagi Muhyiddin, beliau hanya menunaikan amanah dan tanggungjawab besar selepas dilantik memimpin kerajaan, melakukan apa difikirkan terbaik untuk negara dan kira-kira 30 juta rakyat.

"Walaupun saya tidak dipilih menerusi PRU (Pilihan Raya Umum) seperti biasa dan mendapat mandat, tetapi disebabkan krisis, saya dilantik. Jadi yang menjadi pendorong saya ialah rasa tanggungjawab dan amanah yang mestinya tunaikan," katanya.

Kepada desakan meminta Parlimen dibubar dan PRU diadakan, beliau memberi jaminan mandat akan dikembalikan kepada rakyat sebaik pandemik COVID-19 tidak lagi mengancam.

"Yang mustahak, kita selesaikan ini (krisis COVID-19) dulu. Bila selesai, saya tidak mahu tunggu sehari pun, balik semula ke keadaan asal, bukan kita bimbang apa-apapun. Itu paling mustahak," katanya.

Perdana Menteri turut mengulas strategi dan perancangannya untuk memberikan lebih tumpuan ke arah perkara yang mempunyai hubungan kait dengan rakyat, ekonomi dan perniagaan, selain usaha menangani jurang perbezaan pembangunan antara negeri termasuk Sabah serta Sarawak serta hubungan antarabangsa.

Harapan beliau, Malaysia akan kembali seperti dulu, malah lebih daripada itu dengan menjadi sebuah negara cemerlang, gemilang dan mencatatkan kemajuan pembangunan yang lebih hebat.

"Itu komitmen saya untuk menjalankan tanggungjawab, menentang rasuah, tidak mencampuri sebarang urusan mahkamah dan buat yang terbaik bagi negara," katanya tidak lupa berterima kasih kepada seluruh rakyat yang kekal bersatu dalam mengharungi pandemik COVID-19 selama ini.

Temu bual penuh Perdana Menteri diMuka 10, 11, 12, 13